



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-491-14/23**
Datum: **18.6.2023. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica „AC FOOD“ d.o.o. Velika Kladuša, za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada proizvodnog kompleksa i ispuštanje tehnoloških otpadnih voda sa lokacije proizvodnog kompleksa prehrambene industrije te pratećih sadržaja sa pripadajućim internim saobraćajnicama, radnim i manipulativnim površinama, na osnovu člana 109. stav (1) tačka 2. i stav (2). tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE o vodnoj dozvoli

1. Daje se vodna dozvola Investitoru „AC FOOD“ d.o.o. Velika Kladuša za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada proizvodnog kompleksa i ispuštanje tehnoloških otpadnih voda sa lokacije prehrambene industrije te pratećih sadržaja sa pripadajućim internim saobraćajnicama, radnim i manipulativnim površinama, izgrađenog na zemljištu označenom kao k.č. broj 2384/1, 2384/7, 2384/10, 2384/11, 2384/12, 2384/13, 2384/14, 2384/15, 2384/17, 2384/18, 2384/19, 2384/20 i 2384/25, K.O. Trnovi, u naselju Polje, općina Velika Kladuša.
2. Ova vodna dozvola se odnosi isključivo na specifične uticaje na vode koje mogu nastati aktivnostima na predmetnoj lokaciji te ispuštanje tehnoloških otpadnih voda za predmetni poslovni objekt definisan tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnih objekata, u toku važenja ovog Rješenja, realizira dostavljeni detaljni dinamički plan po godinama sa aktivnostima, finansijskom procjenom i rokovima za izgradnju i puštanje u rad sistema za prikupljanje, tretman i ispuštanje otpadnih voda, a najkasnije do 30.06.2026. godine (Prilog A) odnosno da izvede radnje predviđene revidovanom investiciono-tehničkom dokumentacijom „Glavni projekat sakupljanja, tretmana i ispuštanja otpadnih voda objekata prehrambene industrije AC FOOD d.o.o. Velika Kladuša“ urađen od strane Instituta za kvalitet, standardizaciju i ekologiju TQM d.o.o. Lukavac, pod brojem: 10-057/19, augusta 2019. godine, u Lukavcu, revidiranim od strane Euroing d.o.o. Bihać pod brojem: REV 13-09/19, septembra 2019. godine, u Bihaću, odnosno:
 - Da se angažira ovlašteno pravno lice registrirano za projektiranje, koje će uraditi snimak postojećeg stanja nadzemnog čeličnog rezervoara za skladištenje loživa ulja (nadzemni AB rezervoar za skladištenje mazuta, sa uređajima i cijevnim razvodom do postrojenja nije više u upotrebi već se kao energent koristi plin). Uraditi presjek stanja sa snimkom mogućih oštećenja sistema, koja bi mogla prouzročiti istjecanje tečnosti u tlo, površinske i/ili podzemne vode. Uraditi spisak mjera i aktivnosti koje treba provesti na sanaciji sistema za prijem, skladištenje i transport goriva do potrošačkih mjesta u proizvodnom procesu te iste realizirati do kraja novembra 2024. godine.
 - Da se izgradi AB tankvana, u koju će izvršiti smještanje nadzemnog čeličnog rezervoara, kapaciteta 100 m³, dovoljne zapremine da može da primi sve gorivo iz rezervoara, u slučaju curenja istoga, do kraja oktobra 2025. godine,
 - Da se izvedu, odobrenom projektnom dokumentacijom predviđeni radovi na izgradnji separatnog sistema za prijem, transport, tretman te ispuštanje tehnoloških otpadnih voda, uključujući i uređaj za tretman tehnoloških i sanitarnih otpadnih voda – biološki prečištač – SBR 75 ES, do 30.6.2026. godine,
 - Da se izvedu, odobrenom projektnom dokumentacijom predviđeni radovi na izgradnji sistema za prijem, transport, tretman te ispuštanje oborinskih onečišćenih otpadnih voda, sa internih saobraćajnih i manipulativnih površina, uključujući i nabavu i ugradnju uređaja za tretman istih - separatora ulja i masti sa bajpasom, kapaciteta 60 l/s, do 30.6.2026. godine,

- Da se izvedu, odobrenom projektnom dokumentacijom predviđeni radovi na izgradnji sistema za prijem, transport, tretman te ispuštanje oborinskih nezagađenih voda, sa krovova objekata, pješačkih površina i slično, do 30.6.2026. godine,
 - Da se izgradi monitoring okno za uzorkovanje prečišćenih sanitarnih i tehnoloških otpadnih voda, iza uređaja za tretman istih, a prije ispusta u regulisano korito rijeke Kladašnice, do kraja 30.6.2026. godine,
 - Da se uradi ispitivanje izvedenih instalacija vodovoda i kanalizacije, od strane ovlaštene pravne osobe, i o istom sastavi zapisnik, do 30.6.2026. godine.
- 3.2. Usvojenim sistemom prečišćavanja otpadnih voda mora se obezbijediti kvalitet efluenta u skladu sa propisanim graničnim vrijednostima emisije u prečišćenoj vodi, definisane u tabeli 1.1. (kolona 3) date u Prilogu 1. te propisanim graničnim vrijednostima emisije supstanci i parametara kvaliteta za tehnološke otpadne vode – Granične vrijednosti emisija otpadnih voda iz pripreme i prerade voća i povrća, definisane tabelom 1. Priloga 6 Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.3. Opasni materijal i otpad, kako u toku izvođenja radova tako i u toku rada pogona se ne smije ni privremeno odlagati na česticu «vodno dobro», odnosno u vodotok i na njegove obale.
 - 3.4. Da se skladištenje loživog ulja za rad peći za termičku obradu biskvita i pržionika zrna kakaovca, vrši u nadzemnom čeličnom rezervoaru, kapaciteta 100 m³, na način da se manipulacijom sa istima spriječi njihovo dospijevanje u tlo, površinske i/ili podzemne vode.
 - 3.5. Da se smještaj i upotreba hemijskih supstanci (koriste se kao sredstva za pranje i dezinfekciju) koje se dobavljaju u PVC kanisterima, vrši na način da se onemogući dospijevanje istih u tlo, površinske i/ili podzemne vode.
 - 3.6. Da se smještaj i upotreba hemijskih supstanci (koriste se kao sredstva u tehnološkom procesu ili kao aditivi i emulgatori proizvoda) koje se dobavljaju u PVC kanisterima i/ili metalnim buradima, vrši na način da se onemogući dospijevanje istih (u vidu organskog ili neorganskog otpada) u tlo, površinske i/ili podzemne vode
 - 3.7. Da se istrošena ulja, nautljene krpe i sav opasan otpad koji se može pojaviti u proizvodnom procesu i u procesu čišćenja i održavanja postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.8. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.9. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i radnih površina nesmetano sakupljaju i odvoze do objekata predviđenih za tretman onečišćenih oborinskih voda (taložnici i separatori ulja i masti), a zatim tretirane vode ispuštaju u recipijent.
 - 3.10. Da se oborinske vode sa krovova objekata kompleksa pakupe i zatvorenim kanizacionim sistemom odvedu direktno u recipijent, odnosno, uraditi sve prema priloženoj projektnoj dokumentaciji, iz tačke 3.1. ovog Rješenja.
 - 3.11. Da se tokom važenja ovog Rješenja obezbijedi minimalan broj uzorkovanja tehnoloških otpadnih voda na mjestima postojećih ispusta do izgradnje okna za monitoring (mjerna mjesta definisana projektnom dokumentacijom iz tačke 3.1.), shodno članu 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije, te pojedinačni i zbirni izvještaj dostavi Agenciji.
 - 3.12. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.13. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.14. Osigurati priručna sredstva za brzu intervenciju u slučaju nekontrolisanog istjecanja loživa ulja i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „AC FOOD” d.o.o. Velika Kladuša je dužan provoditi sve mjere i aktivnosti propisane istom.
6. Korisnik predmetnog objekta je dužan, u skladu sa članom 26 a. stav (1) Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24), na obrascu iz Priloga B Uredbe, izvještavati ovu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, i to:
- Prvi put nakasnije do 31.12.2024. godine,
 - Drugi put nakasnije do 30.06.2025. godine.
- Na osnovu navedenih izvještaja, ova Agencija će, u skladu sa članom 26 a. stav (2) Uredbe, sačiniti sumarni izvještaj, na obrascu iz Priloga C Uredbe i dostaviti ga Federalnom ministarstvu okoliša i turizma te Federalnom ministarstvu poljoprivrede, vodoprivrede i šumarstva, najkasnije mjesec dana po isteku naprijed navedenih rokova, koji će biti javno dostupni na web stranicama navedenih ministarstava najkasnije u roku od 10 dana od dana prijema sumarnih izvještaja.
7. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi, što se naročito odnosi na mogući negativni uticaj na registrovana izvorišta vode za piće.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) se daje sa rokom važenja do 30.06.2026. godine.
10. Ovo rješenje o vodnoj dozvoli prestaje da važi ako korisnik predmetnog objekta ne ispuní uvjete iz tačke 3.1. ovog rješenja.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
13. Ukoliko nosilac prava iz ove vodne dozvole u toku važenja iste, ne ispuní uslove propisane dispozitivom ovog rješenja i ne zadovolji propisane kriterijume koji se odnose na parametre kvaliteta tehnoloških otpadnih voda navedenih u tački 3.2. dispozitiva, ne može u skladu sa važećom legislativom dobiti produženje roka ili novo odobrenje za ispuštanje tehnoloških otpadnih voda.

O b r a z l o ž e n j e

Pravno lice, „AC FOOD” d.o.o. Sarajevo, obratilo se ovoj Agenciji dana 31.10.2023. godine zahtjevom broj: 27/23 (zaprimljen dana 6.11.2023. godine) za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada proizvodnog kompleksa i ispuštanje tehnoloških otpadnih voda sa lokacija Prehrambene industrije, izgrađenog u naselju Polje, općina Velika Kladuša.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Uvjerjenje o registraciji/upisu u Jedinostveni registar obveznika indirektnih poreza, broj: 04/I-17-1-UPJR/1-967-2/18, izdano dana 14.03.2018. godine od strane Uprave za indirektno – neizravno oporezivanje Bosne i Hercegovine, dana 14.03.2018. godine, u Banjaluci (ovjerena kopija),
- Uvjerjenje o registraciji poreznog obveznika; izdano od strane Federalnog ministarstva finansija – finansija, Porezne uprave Federacije BiH, Kantonalni porezni ured BIHAĆ, dana 01.12.2017. godine (ovjerena kopija),

- Obavještenje o razvrstavanju pravnog lica prema klasifikaciji djelatnosti, Naziv djelatnosti prema Klasifikaciji djelatnosti: Proizvodnja kakaa, čokolade i slastičarskih proizvoda, Šifra djelatnosti KD BiH 2010: 10.82; izdano od strane Federalnog zavoda za statistiku, Službe za statistiku za područje Unsko-sanskog kantona Bihać, dana 01.12.2017. godine pod brojem 07-32.5-60297/17 (ovjerena kopija),
- Nalog za plaćanje upravne pristojbe (ovjerena kopija),
- Rješenje o urbanističkoj saglasnosti za gradnju Prehrambeno-prerađivačkog kompleksa u naselju Polje, izdano od strane Sekretarijata za urbanizam i komunalne poslove opštine Velika Kladuša pod brojem 03/1-364-284/77 dana 16.11.1977. godine (kopija prve stranice rješenja),
- Rješenje za upotrebu dijela objekata PPK u Polju: klaonica peradi sa anexom, hladnjača, sortirnica sa anexom, kotlovnica, mašinski pogon, trafostanica i kafilerija, izdano od strane Opštinske komisije za prostorno uređenje, stambeno-komunalne, katastarsko-geodetske i imovinsko-pravne poslove opštine Velika Kladuša pod brojem 04/1-361-307/83 dana 07.11.1983. godine (kopija prve stranice rješenja),
- Rješenje o odobrenju za gradnju Fabrike - pogona kremova i biskvita u sklopu Prehrambeno prerađivačkog kompleksa u Polju, izdano od strane Opštinskog sekretarijata za prostorno uređenje i stambeno-komunalne poslove opštine Velika Kladuša, broj: 04/1-361-219/81, dana 29.06.1981. godine (kopija),
- Rješenje odobrenja za građenje Prehrambeno-prerađivačkog kompleksa u naselju Polje; izdano od strane Sekretarijata za urbanizam i komunalne poslove opštine Velika Kladuša, broj: 03/1-361-229/78, dana 03.07.1978. godine (kopija),
- Rješenje o urbanističkoj saglasnosti za izgradnju Fabrike kremova i biskvita u Polju u sklopu prehrambeno-prerađivačkog kompleksa; izdano od strane Sekretarijata za prostorno uređenje i stambeno-komunalne poslove opštine Velika Kladuša, broj: 04/1-364-157/81, dana 25.06.1981. godine te popratni akt o dostavi dokumentacije, broj: 693/85, od 14.02.1985. godine (kopija),
- Rješenje o okolišnoj dozvoli, izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-19-2625-UP-1/20, dana 11.09.2020. godine, u Bihaću (kopija),
- Rješenje o vodnoj dozvoli; izdano od strane Agencije za vodno područje rijeke Save Sarajevo pod brojem UP-I/25-3-40-188-12/19, dana 17.10.2019. godine (kopija),
- Izvještaj o monitoringu kvaliteta i kvantiteta otpadnih voda proizvodnog kompleksa „AC FOOD“ d.o.o. Velika Kladuša; urađen od strane Inspekt RGH d.o.o. Sarajevo pod brojem 1365/23, dana 21.09.2023. godine (kopija),
- Zemljišnoknjižni izvadak, BROJ: 023-0-NAR-18-001 160, Zemljišnoknjižni uložak broj: 600; Katastarska općina: Trnovi; izdan od strane Zemljišnoknjižnog ureda Općinskog suda u Velikoj Kladuši, dana 08.06.2018. godine (kopija),
- Zemljišnoknjižni izvadak, BROJ: 023-0-NAR-18-000 198, Zemljišnoknjižni uložak broj: 2526; Katastarska općina: Trnovi; izdan od strane Zemljišnoknjižnog ureda Općinskog suda u Velikoj Kladuši, dana 08.06.2018. godine (kopija),
- Popratni akt o dopuni podneska zahtjeva broj: AF-01-OP-855/23 od 15.12.2023. godine,
- Glavni projekat sakupljanja, tretmana i ispuštanja otpadnih voda objekata prehrambene industrije AC FOOD d.o.o. Velika Kladuša; urađen od strane Instituta za kvalitet, standardizaciju i ekologiju TQM d.o.o. Lukavac pod brojem: 10-057/19, augusta 2019. godine, u Lukavcu, revidiran od strane Euroing d.o.o. Bihać pod brojem: REV 13-09/19, dana 16.09.2019. godine, u Bihaću (na uvid, vraćen uz obavijest o dopuni podneska zahtjeva broj: UP-1/21-3-40-491-7/23 od 25.1.2024.godine),
- Zaključak o posebnim troškovima, izdan od strane ove Agencije, broj: UP-1/21-3-40-491-4/23, dana 20.12.2023. godine, te ovjerena kopija naloga za plaćanje istih,
- Popratni akt o dopuni podneska zahtjeva, broj: AF-04-OP-183/24 od 19.03.2024. godine,
- Uvjerjenje o registraciji/upisu u Jedinstveni registar obveznika indirektnih poreza; izdano od strane Uprave za indirektno-neizravno oporezivanje Bosne i Hercegovine pod brojem 04/1-17-1-UPJR/1-2800-2/17, dana 04.05.2017. godine (ovjerena kopija),
- Rješenje o izmjenama podataka; izdano od strane Općinskog suda u Bihaću pod brojem 017-0-Reg-23-000337, dana 8.6.2023. godine (ovjerena kopija),
- Popratni akt o dopuni podneska zahtjeva broj: AF-01-OP-239/24 od 18.04.2024. godine,
- Dinamički plan aktivnosti za produženje vodne dozvole; broj: AF-01-OP-239/24 od 18.04.2024. godine (kopija, original vraćen na doradu uz obavijest o dopuni podneska zahtjeva, broj: UP-1/21-3-40-491-11/23 od 20.05.2024. godine),
- Dinamički plan aktivnosti, broj: 2205/19 od 10.09.2019. godine (kopija),
- Službena zabilješka o povratu detaljnog dinamičkog plana na doradu, broj: UP-1/21-3-40-491-12/23 od 21.5.2024. godine),
- Popratni akt o dopuni podneska zahtjeva , broj: AF-01-UP-410/24 od 10.06.2024. godine (obrazloženje o nekorištenju mazuta kao energenta),

- Detaljan dinamički plan po godinama sa aktivnostima, financijskom procjenom i rokovima za izgradnju i puštanje u rad sistema za prikupljanje, tretman i ispuštanje tehnoloških otpadnih voda, a najkasnije do 30.06.2026. godine (prilog: Tablica 1).

Nakon pregleda dostavljene dokumentacije, u skladu sa članom 12. stav (5) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je uviđaj u krugu Prehrambeno - proizvodnog kompleksa sa pripadajućim manipulativnim površinama „AC FOOD“ d.o.o. Velika Kladuša, izgrađenog u naselju Polje, općina Velika Kladuša, i tom prilikom sačinjen zapisnik o uviđaju broj: UP-1/21-3-40-491-5/23 od 27.12.2023. godine.

Prehrambeno-prerađivački kompleks sa pripadajućim manipulativnim površinama (nekadašnje vlasništvo „Agrokomerc“ d.d. Velika Kladuša) je lociran u naselju Polje, općina Velika Kladuša, sa lijeve strane magistralne ceste M 4-2. Osnovna namjena pogona je proizvodnja hrane.

U krugu pogona locirani su slijedeći objekti: pogon kremova i čokolada, pogon prerade kakaovca, pogon keksa i krepera, pogon sortirnice jaja i pogon biskvita (smješteni na desnoj strani od ulazne kapije kompleksa), pogon za preradu voća i povrća (smješten na lijevoj strani od ulazne kapije kompleksa), laboratorija, kotlovnica, trafo stanica i postrojenje za tretman otpadnih voda (smješteni su u centralnom dijelu kompleksa). Osim navedenih objekata u krugu kompleksa su izgrađeni i objekti koji su van upotrebe: pogon mesne industrije, tvornica stočne hrane, pržionica kafe, pogon supa i majoneza, skladišni objekti i objekt hladnjače.

Na prostoru predmetnog proizvodnog objekta se vrši proizvodnja slijedećih prehrambenih proizvoda: kakao prah, kakao buter, kakao preliv, kakao krem, biskvit sa želeom i čokoladnim preljevom. Marinirano povrće (paprika kriška, paprika cijela, krastavac, cvekla, miješana salata) se više ne proizvode, dok se mješavina začina – Vegedor, sada proizvodi pod nazivom - Master. U međuvremenu je podnosilac zahtjeva ukinuo proizvodnju još nekih nabrojanih proizvodnih sortimanata.

Oborinske vode sa radnih i manipulativnih površina platoa pogona, koje mogu sadržati suspendovane organske i neorganske materije, hemijske supstance dezinfikatora, te aditive proizvodima, i sl. se slijevaju u ugrađene slivnike ili slivne rešetke, iz kojih se odvođe kanalizacionim sistemom do objekta za tretman otpadnih voda (trenutno nije u upotrebi), te preko monitoring okna prema ispustu u rijeku Kladušnicu.

Oborinske vode sa krovova objekata se sistemom horizontalnih i vertikalnih oluka svede dijelom do revizionih okana, a potom priključuju na sistem odvodnje oborinskih voda sa krovova direktno u odvodni kanal uz magistralnu cestu, posebnim kolektorom, zajedno sa zauljenim vodama sa manipulativnih internih površina (PVC cijevi Ø 250 mm).

Fekalne otpadne vode iz sanitarnih prostorija upravnog objekta se priključuju, zajedno sa tehnološkim vodama na objekt za tretman otpadnih voda (PVC cijev Ø 300 mm), čiji preliv se završava u vodotoku rijeke Kladušnice.

Skladištenje loživa ulja se vrši u nadzemnom čeličnom rezervoaru, kapaciteta 100 m³.

Tehnička dokumentacija za zbrinjavanje tehnoloških otpadnih voda je vjerovatno izgubljena u ratu.

Investitor je uradio projekt sakupljanja, tretmana i ispuštanje otpadnih voda, kako je to zahtjevano prethodno izdanim vodnim aktom. Predviđena je izrada novog sistema odvodnje separatnim sistemom za:

- Sanitarne-fekalne otpadne vode (predviđen je uređaj za biološko prečišćavanje SBR 75 ES),
- Tehnološke otpadne vode, nastale pranjem procesne opreme i radnih površina proizvodnih pogona (predviđen je uređaj za biološko prečišćavanje SBR 75 ES),
- Oborinske nezagađene vode (predviđena odvodnja direktno u recipijent – odvodni kanal),
- Onečišćene otpadne vode (predviđen je separator ulja i masti sa bypasom, kapaciteta 60 l/s)
- Odvod prečišćene otpadne vode do recipijenta – reguliranog korita rijeke Kladušnice.

Podnosilac zahtjeva nije uradio radnje predviđene projektnom dokumentacijom, a koje je trebao, prema dimaničkom planu sa financijskom procjenom ulaganja, broj: 2115/19, od 10.09.2019. godine, završiti do 19.12.2023. godine.

U prethodno provedenom postupku priložena su i kopije rješenja: - za rekonstrukciju dijela pogona prerade za proizvodnju đemova i marmelada, - o upotrebi objekata "Kremovi i biskviti", - za upotrebu trafostanice, - za upotrebu dograđenog i rekonstruisanog objekta "Kremovi", - o asanaciji bespravno započete dogradnje i rekonstrukcije objekta za proizvodnju kremova, - Ugovor o poslovnoj suradnji, zaključen sa JKP „Vodovod i kanalizacija“ d.o.o. Velika Kladuša, vezano za isporuku vode, broj 159-03/17, dana 01.06.2017. godine, - Zemljišnoknjižni izvadak, BROJ: 023-0-NAR-17-002 321, Zemljišnoknjižni uložak broj: 2; Katastarska općina: Trnovi; izdan od strane Zemljišnoknjižnog ureda Općinskog suda u Velikoj Kladuši, dana 09.11.2017. godine, - Zemljišnoknjižni izvadak, BROJ: 023-0-NAR-18-002 401, Zemljišnoknjižni uložak broj: 598; Katastarska općina: Trnovi; izdan od strane Zemljišnoknjižnog ureda Općinskog suda u Velikoj Kladuši, dana 22.11.2018. godine, - Zahtjev za nadležno postupanje, vezano za akcident ispuštanja loživa ulja u rijeku Kladušnicu sa prostora predmetnog objekta; upućen na nadležno postupanje Federalnoj upravi za inspekcijske poslove od strane Službe za inspekcijske poslove Općine Velika Kladuša pod brojem 10-23/6-4950/19 od 22.08.2019. godine (prilog: Zahtjev MZ Polje komunalnom inspektoratu, broj: 16/01/19 od 15.08.2019. godine te Zapisnik komunalnog redara Službe za inspekcijske poslove općine Velika Kladuša, od 16.08.2019. godine).

Na predmetnoj lokaciji je izvršena regulacija korita rijeke Kladušnice. Unutar kompleksa prehrambene industrije bivšeg pogona Agrokomerc je izvršena izgradnja proizvodnih objekata, industrijskih objekata i zelenih površina na prostoru starog korita rijeke Kladušnice (nema podataka da je izvršeno ukidanje javnog vodnog dobra, na parcelama označenim kao k.č. broj: 2825/1, 2824/15 K.O. Trnovi; 1997/1 K.O. Grahovo; 1161/17 K.O. Nepeke, na koje se ne odnosi ovaj vodni akt, i koje nisu u vlasništvu podnosioca zahtjeva.

Također unutar kruga bivše prehrambene industrije se nalazi i zemljište označeno kao k.č. broj: 1/1 K.O. Grahovo, 662/1 K.O. Nepeke, koje nisu u vlasništvu podnosioca zahtjeva i na koje se ne donosi ovaj vodni akt.

Dana 15.08.2019. godine, se dogodio akcident, kada je iscurilo loživo ulje sa prostora pumpne stanice, u okolno tlo. Naime, radilo se o oštećenju cijevnog podzemnog voda (čelične cijevi su pod uticajem vlage iz tla zardale te je došlo do istjecanja loživog ulja u tlo) od pumpne stanice kod nadzemnog rezervoara loživog ulja, prema postrojenju. Podnosilac zahtjeva je izvršio zamjenu dijela čeličnih cijevi plastičnim cijevima te izvršio odvoz površinskog tla natopljenog loživim uljem te čišćenje odvodnog otvorenog kanala uz magistralnu cestu.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi pod kojima je izdato ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „AC - FOOD“ d.o.o. Velika Kladuša, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Ahmet Smajlović, dipl. inž. arh.



**Po ovlaštenju
Rukovodilac sektora za izdavanje
vodnih akata**

Haris Ališehović, dipl. inž. građ.

Dostaviti:

- „AC FOOD“ d.o.o. Velika Kladuša, Polje bb, 77 230 Velika Kladuša
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča - AVP Sava